

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06), odredaba Odluke o usvajanju Programa utroška sredstava utvrđenih u Razdjelu 17. Budžeta Federacije Bosne i Hercegovine za 2012. godinu Federalnom ministarstvu energije, rudarstva i industrije „Pozajmljivanje i učešće u dionicama – ostala domaća pozajmljivanja“, ("Službene novine Federacije BiH", br.82/12, 5/13 i 45/13) i tačke III. Odluke Vlade Federacije Bosne i Hercegovine o davanju prethodne saglasnosti na Prijedlog rješenja o dodjeli dijela sredstava utvrđenih u Razdjelu 17. Budžeta Federacije Bosne i Hercegovine za 2012. godinu Federalnom ministarstvu energije, rudarstva i industrije „Pozajmljivanje i učešće u dionicama-Ostala domaća pozajmljivanja“ ("Službene novine Federacije BiH", broj 56/13), Federalno ministarstvo energije, rudarstva i industrije o b j a v l j u j e

**JAVNI OGLAS
ZA KANDIDOVANJE PROGRAMA UTROŠKA PREOSTALOG DIJELA
NEUTROŠENIH SREDSTAVA UTVRĐENIH U RAZDJELU 17. BUDŽETA
FEDERACIJE BOSNE I HERCEGOVINE ZA 2012. GODINU FEDERALNOM
MINISTARSTVU ENERGIJE, RUDARSTVA I INDUSTRIJE „POZAJMLJIVANJE I
UČEŠĆE U DIONICAMA – OSTALA DOMAĆA POZAJMLJIVANJA**

I. PREDMET POZIVA

Predmet poziva je prikupljanje programa za korištenje sredstava, u skladu sa Odlukom o usvajanju programa utroška sredstava utvrđenih u Razdjelu 17. Budžeta Federacije Bosne i Hercegovine za 2012. godinu Federalnom ministarstvu energije, rudarstva i industrije „Pozajmljivanje i učešće u dionicama – Ostala domaća pozajmljivanja“ ("Službene novine Federacije BiH", br. 82/12, 5/13 i 45/13).

II. PRAVO UČEŠĆA

Na osnovu ovog Programa pozajmit će se sredstva sljedećim sektorima industrijske proizvodnje:

- Metalna, elektro i automobilska industrija,
- Građevinska industrija,
- Drvna i papirna industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija i
- Prehrambena industrija.

III. SVRHA PODSTICAJA

Mjera: Modernizacija tehnološkog procesa

Pozajmljivanje sredstava po ovoj Mjeri vrši se za podsticanje ulaganja u:

- Značajna poboljšanja i modernizaciju već postojećih proizvoda, proizvodnih procesa ili usluga s većom dodatnom vrijednosti,
- Nabavku novih tehnologija (mašina, postrojenja i oprema za proizvodnju, mjerni i kontrolni uređaji),
- Nabavku industrijskog znanja (know-how), posebnih znanja i vještina, informatičke opreme usmjerene ka proizvodnji i uvođenje validnog CE znaka,

- Značajnije aktivnosti na osnovu promjene sveukupnog proizvodnog procesa i stanja postojeće poslovne djelatnosti društva (reinženjering),

IV. SREDSTVA PREDVIĐENA ZA POZAJMLJIVANJE

Sredstva za provođenje ovog Programa utroška sredstava utvrđenih u Razdjelu 17. obezbijeđena su u Budžetu Federacije Bosne i Hercegovine u 2012. godini.

Navedena sredstva su kreditnog karaktera, sa odgodom plaćanja (grace periodom) od 12 mjeseci i kamatnom stopom od 1,0 %.

Dodjeljena sredstva korisnici vraćaju u minimalno 24 rate, a maksimalno u 60 rata, što zavisi o visini dodijeljenih sredstava. Početak povrata prve rate sa pripadajućom kamatom i dinamika slijedećih rata, kao i drugi bitni elementi bit će definisani ugovorom.

Sredstva za provođenje ovog programa odobrvat će se u sljedećoj visini novčanih sredstava, na način kako je to dato u Tablici broj 1., i to:

Tablica broj 1

Redni broj	Visina dodijeljenih sredstava u KM	Odgoda plaćanja (grace period) u mjesecima	Broj rata vraćanja sredstava
1.	do 50.000,00	12	24
2.	50.001,00 – 100.000,00	12	25 - 36
3.	100.001,00 – 150.000,00	12	37 - 48
4.	150.001,00 – 200.000,00	12	49 - 60

Broj rata vraćanja sredstava određivat će se proporcionalno dobijenim sredstvima, u skladu sa podacima iz Tablice broj 1.

Privrednim društvima, koja blagovremeno vrše povrat dobijenih sredstava, Federalno ministarstvo energije, rudarstva i industrije, na njihov zahtjev, može predložiti Vladi Federacije Bosne i Hercegovine donošenje odluke o oslobađanju povrata ostataka duga u iznosu od 20% od glavnice.

Budžetom Federacije Bosne i Hercegovine u 2012. godini Federalnom ministarstvu energije, rudarstva i industrije u Razdjelu 17, „Pozajmljivanje i učešće u dionicama – Ostala domaća pozajmljivanja”, obezbijeđeno je ukupno sredstava u iznosu od 8.400.000,00 KM.

Sredstva su predviđena za provođenje Programa iz tačke 6. odnosno za Program podsticaja razvoja i jačanje konkurentnosti, i to za Mjeru 1. u cjelokupnom iznosu preostalih neutrošenih sredstava.

Od cjelokupnog iznosa, za realizaciju Mjere 1. iz Programa preostalo je ukupno 5.432.000,00 KM prema Tablici broj 2., i to:

Tablica broj 2

SEKTORI INDUSTRIJSKE PROIZVODNJE	PREDVIĐENA SREDSTAVA U KM	DODIJELJENO U KM	PREOSTALA SREDSTVA U KM
Metalna, elektro i automobilska industrija	1.000.000,00	368.000,00	632.000,00
Građevinska industrija	1.400.000,00	200.000,00	1.200.000,00
Drvena i papirna industrija	1.400.000,00	0,00	1.400.000,00
Proizvodnja tekstila, kože i obuće	1.800.000,00	800.000,00	1.000.000,00
Hemijska industrija i industr. gume i plastike	600.000,00	400.000,00	200.000,00
Namjenska industrija	1.000.000,00	200.000,00	800.000,00
Prehrambena industrija	200.000,00	0,00	200.000,00
UKUPNO u KM	7.400.000,00	1.968.000,00	5.432.000,00

V. SADRŽAJ PROGRAMA

1. Program koji se kandiduje mora sadržavati najmanje sljedeće podatke:

1. naziv i adresa privrednog društva,
2. kontakt osoba, tel/fax, e-mail,
3. identifikacioni broj,
4. transakcijski broj,
5. pravni status,
6. visina i struktura ukupne investicije,
7. iznos sredstava koja se traže od federalnog ministarstva energije, rudarstva i industrije,
8. ciljevi predviđeni programom i sve druge podatke i informacije koje se odnose na konkretan program.

2. Uz kandidovani program, obavezno je priložiti i sljedeće dokumente i uvjerenja:

1. Zahtjev za kredit (obrazac dostupan na web stranici www.rfbih.ba),
2. Poslovni plan sa pripadajućim tabelama: bilans stanja, bilans uspjeha, projekcija gotovinskog toka, plan investiranja, projekcija prihoda po strukturi proizvoda (obraci dostupni na web stranici www.rfbih.ba),
3. Investicioni projekt (metodologija izrade investicionog projekta je dostupna na web stranici www.rfbih.ba),
4. Osnivački akti (sudska registracija sa svim izmjenama i dopunama, statut i/ili odluka o osnivanju pravnog lica), aktuelni izvod iz sudskog registra, ne stariji od 30 dana, dokumentacija o izvršenoj privatizaciji društva),
5. Odluka nadležnog organa pravnog lica za zaduženje (ukoliko postoji zakonska obaveza),
6. Izvod iz registra vrijednosnih papira Federacije Bosne i Hercegovine (za dionička društva) izdat od Komisije za vrijednosne papire Federacije Bosne i Hercegovine,
7. Uvjerenje o poreznoj registraciji (identifikacijski porezni broj),
8. Uvjerenje o registraciji/upisu u Jedinostveni registar obveznika indirektnih poreza (PDV broj), ukoliko je PDV obveznik ili izjava da društvo ne pripada skupini PDV obveznika,
9. Obavještenje o razvrstavanju pravnog lica prema djelatnosti Zavoda za statistiku (posljednje rješenje je važeće),
10. Obavještenje o razvrstavanju pravnog lica na mala, srednja i velika preduzeća, ovjeren od strane AFIP-a,

11. Finansijski izvještaj pravnog lica za posljednje tri poslovne godine ovjerene od strane AFIP-a, te polugodišnji finansijski izvještaj (ukoliko istim raspolažete) sa pripadajućim obrascima,
12. Analitički bruto bilans za posljednji obračunski period (godišnji ili polugodišnji), kao i analitički bruto bilans na posljednji dan prethodnog mjeseca u odnosu na dan podnošenja zahtjeva za kredit ,
13. Analitičke kartice potraživanja, obaveza i zaliha, sa ročnom strukturom i osvrtom na sumnjiva i sporna potraživanja (na dan analitičke bruto bilanse za prethodni mjesec dostavljenog na osnovu tačke 12.),
14. Analitičke kartice kredita i leasing aranžmana kod banaka i leasing kuća, sa kopijama ugovora po svim kreditima i leasing aranžmanima u korištenju,
15. Potvrda/Uvjerenje o stanju poreskih obaveza, obaveza po doprinosima za PIO/MIO, zdravstveno osiguranje i osiguranje od nezaposlenosti, izdata od strane nadležne Porezne uprave, (min 60 zaposlenika)
16. Potvrda/Uvjerenje o stanju obaveza na osnovu poreza na dodatu vrijednost, izdata od nadležnog Regionalnog centra Uprave za indirektno oporezivanje,
17. Spisak zaposlenika iz matične evidencije aktivnih osiguranika, izdat od strane nadležne službe (Napomena: Potvrde/uvjerenja ne smiju biti starija od 30 dana od dana podnošenja kreditnog zahtjeva),
18. Specifikacije isplaćenih plaća u posljednja tri mjeseca, ovjerene od strane Porezne uprave,
19. Ugovori o plasmanu roba/usluga (predugovori, pisma namjere) sa pregledom realizacije aktuelnih ugovora,
20. Ponude/predračuni dobavljača/izvođača radova za sredstva koja se nabavljaju iz kredita,
21. Imovina koja se nudi kao obezbjeđenje kredita: procjena sudskog vještaka, ne starija od šest mjeseci i ZK izvadak, ne stariji od 30 dana, (Napomena: Uputstvo o minimalnom sadržaju nalaza sudskog vještaka za procjenu predmeta zaloga kao instrumenata osiguranja naplate kredita, dostupno na web stranici www.rfbih.ba),
22. Za povezana pravna lica, ukoliko postoje, dostaviti:
 - a. ovjerene kopije rješenja o upisu u sudski registar sa svim izmjenama i dopunama, aktuelni izvod iz sudskog registra, ne stariji od 30 dana,
 - b. ovjerene kopije finansijskih izvještaja za posljednje tri godine, ovjerene od strane AFIP-a, te polugodišnje finansijske izvještaje (ukoliko se istim raspolaže) sa pripadajućim obrascima,
 - c. bruto bilans za posljednji obračunski period,
 - d. saglasnost povezanih pravnih lica za uvid u Centralni registar kredita,
 - e. konsolidovani bilans stanja i uspjeha, za sva povezana pravna lica, urađena u skladu sa Zakonom o računovodstvu i reviziji Federacije BiH („Službene novine Federacije BiH“, broj 83/09),
 - f. tabelarni pregled međusobnih ulaganja, potraživanja i obaveza za sva povezana pravna lica.
23. Ovjerene kopije ličnih karata ovlaštenih lica za zastupanje sa CIPS prijavama, ne starijim od 30 dana,
24. Saglasnost za uvid u Centralni registar kredita, za pravna lica i vlasnika (obrazac br.1 i obrazac br. 1A), i Izjava o povezanim pravnim licima (obraci su dostupni na web stranici www.rfbih.ba),

25. Ostali dokumenti za koje se ocijeni da mogu biti od značaja za ocjenu kreditnog zahtjeva i za koju klijent smatra da je interesantna za Banku.

Vlada Federacije Bosne i Hercegovine može izuzetno odlučiti o dodjeli kreditnih sredstava privrednim društvima koja nisu dostavila cjelokupnu dokumentaciju po Javnom oglasu, a bave se proizvodnjom i izvozom proizvoda iz oblasti namjenske industrije, ukoliko ta privredna društva dostave Ugovor o prodaji proizvoda namjenske industrije sklopljen sa ino-kupcem.

VI. KANDIDOVANJE PROGRAMA

Pismeni zahtjev za kredit sa ostalom potrebnom dokumentacijom po Javnom oglasu, uvezan i poredan po tačkama Javnog oglasa podnosi se Federalnom ministarstvu energije, rudarstva i industrije na memorandumu društva, potpisan od strane ovlaštenog lica sa, preciznom namjenom sredstava kredita, iznosom i rokovima otplate kredita, te sa naznakom iz kojeg se industrijskog sektora traže sredstva (Metalna, elektro i automobilska industrija; Građevinska industrija; Drvena i papirna industrija; Proizvodnja tekstila, kože i obuće; Hemijska industrija i industrija gume i plastike, Namjenska industrija ili Prehrambena industrija).

VII. PRIPREMA

Podnosioci zahtjeva snose sve troškove u vezi pripreme i kandidovanja njihovih programa.

Podnosilac zahtjeva dokumentaciju dostavlja na sljedeću adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar.

Podnosilac zahtjeva dokumentaciju dostavlja u neprovidnoj koverti, sa pečatom i potpisom ponuđača, imenom i adresom ponuđača, na kojoj će jasno pisati „Kandidovanje programa za korištenje sredstava utvrđenih u Razdjelu 17. Budžeta Federacije Bosne i Hercegovine za 2012. godinu Federalnom ministarstvu energije, rudarstva i industrije „Pozajmljivanje i učešće u dionicama – ostala domaća pozajmljivanja - ne otvarati.“

Podnosioci zahtjeva mogu izmijeniti ili povući svoj zahtjev prije isteka roka za dostavljanje zahtjeva, a Federalno ministarstvo energije, rudarstva i industrije mora o tome biti obaviješteno u pisanoj formi prije isteka roka za podnošenje zahtjeva. Izmjena ili povlačenje ponude mora biti izvršeno u skladu sa ovom tačkom.

Osim toga, na koverti u kojoj se nalazi obavještenje o izmjeni ili povlačenju zahtjeva ponuđača treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Ovaj oglas ostaje otvoren trideset dana (30) od dana posljednjeg javnog objavljivanja i objavit će se u “Službenim novinama Federacije BiH” i dnevnim novinama “Oslobođenje” i “Dnevni list”.

Detaljnije podatke i informacije, vezano za Program utroška sredstava utvrđenih u Razdjelu 17. Budžeta Federacije Bosne i Hercegovine za 2012. godinu

Federalnom ministarstvu energije, rudarstva i industrije „Pozajmljivanje i učešće u dionicama – ostala domaća pozajmljivanja“, vidjeti na službenoj web stranici Federalnog ministarstva energije, rudarstva i industrije www.fmeri.gov.ba.